

Wie mag dissipels wees?

Matteus 4:12-5:12

Inleiding

- Welkom by die nuwe Trinitas!
- Vandag is 'n baie spesiale dag
 - Ons skop vandag amptelik af met 'n nuwe fase in die geskiedenis van die gereformeerde kerke in Vanderbijlpark.
- Daar is 'n omkeerstrategie aan die gang in die GKSA
 - Ons het ook al vir meer as 'n jaar beplan aan ons eie omkeer
 - Jy het dalk al begin voel dat jy ook jou eie omkeer moet maak...?
 - So ons begin **vandag** om ons nuwe fokus en identiteit
 - bekend te maak...
 - ... én dit saam te lewe!
- Hierdie tipe omkeer gebeur nie oor nag nie
 - 'n klomp dinge gaan oor die volgende paar jaar hulle nodige aandag kry.
 - Maar ons begin vandag daardie pad stap.
- Die eerste sleutel om ons eie omkeer oop te sluit
 - is om jou dissipelskap van Jesus oop te sluit

- Ons gaan die volgende 3 weke leer oor dissipelskap
 - Wie dissipels van Jesus kan wees
 - Wat dit kos om 'n dissipel te wees
 - En wat dissipelskap jou gaan maak

Dissipel

- Om jou 'n idee te gee hoe belangrik hierdie idee van dissipels is
 - Die Bybel gebruik eintlik net 3 keer die woord *Christen*.
 - En oor die 250 keer die woord *dissipel*.
- 'n Dissipel is 'n mooi woord vir volgeling of vakleerling
 - 'n Appy.
 - 'n Appy is iemand wat op 'n baie praktiese manier een of ander ding aanleer van 'n kenner.
 - Hy kyk en luister en probeer,
 - 'n Dissipel is 'n mens wat Jesus só volg
 - En dit wat Jesus vir 'n dissipel leer
 - Is hoe om regtig te lewe voor God
- Maar omdat ons nie altyd die woord dissipel gebruik het nie, of dit baie vaag gebruik het,
 - Begin ons vandag om eers 'n paar vrae te antwoord?
 - Wie mag dissipels wees van Jesus?
 - Is dit nie 'n spesiale tipe Christen nie?
 - Hoe werk dissipel-wees nou eintlik?

- 'n Gedeelte in Matteus help ons om hierdie vrae te antwoord.
 - Kom ons lees Matteus 4:12-5:12

Wie mag dissipels wees?

- Kom ons kyk na jou agtergrond,
 - Sal Jesus jou wil hê as sy dissipel...
 - Waar het Jesus sy dissipels gaan haal?
- Dit klink so mooi as daar staan dat Jesus Hom gaan vestig het in Kapernaum by die see, in die gebied van Sebulon en Naftali [v14].
 - Asof hy afgetrek het Kaap toe en 'n plekkie by Bloubergstrand gekry het.
- Maar, Kapernaum in Galilea was 'n baie eenvoudige dorp.
 - Die mense daar was nie geleerd nie en het hande werk gedoen.
 - Meestal vissermanne en vis smouse omdat die meer naby was.
- Galilea was ook die provinsie in die Noordelike uithoek van Israel.
 - Dit was nie in die belangrike middel van die aksie nie
 - Daarom word dit “skemerland van die dood” genoem en die mense daar die “volk wat in duisternis woon”.

- Galilea was nie die agtergrond waaruit jy wou kom as jy dit in die lewe wou maak nie.
 - Dis soos mense wat vandag skaam is om te sê hulle is van Benoni, Boksburg of Brakpan....
 - Party mense voel dalk so oor Vanderbijl?
- Maar die aanhaling wat 'n profesie was 100de jare voor Jesus sy adres na Galilea toe verander het,
 - sê ook ...daar sou 'n lig opgaan in daardie hopelose plek.
 - En dit het gebeur die dag toe Jesus soontoe getrek het.
- Hier is die punt van wat ons hier sien gebeur:
 - Jesus gee niks om oor 'n plek se reputasie of jou agtergrond nie.
- Dalk wonder jy oor jou agtergrond
 - of God regtig sal belangstel om iets met jou hier in Vanderbijl te doen.
 - Of jy wonder oor ander dinge wat in jou verlede lê:
 - Jou gesin is nou nie regtig super Christene nie...
 - Jou ma praat nie eintlik oor haar geloof nie,
 - Jy kan nie hardop voor mense bid nie.
 - Julle was dalk nie eens die tipe mense wat baie kerk toe is nie
 - Jy was nou nie die tipe wat pouses in die saal saam met die CSV bid kringetjies gemaak het nie

- Jy kom van 'n plek of 'n lewe af waar mense gaan dink jy is bietjie vreemd as jy nou ernstig daarvoor raak om Jesus te volg...
- Maar Jesus wys jou hier
 - dissipelskap vra nie 'n spesiale agtergrond of plek nie
 - enigiemand van enige plek mag 'n dissipel wees
 - Dis deel van wat Hom so verrassend goed maak.

Is 'n dissipel nie 'n spesiale tipe Christen nie?

- Goed, so my agtergrond is nie 'n probleem nie...
 - Wat van my eie persoonlike kwaliteite?
 - Jesus soek seker net die beste?!
- Dis mos hoe ons lewe werk.
 - Daar is altyd 'n minimum vereiste
 - Jou gemiddeld moet goed wees,
 - of jy moes ten minste goed gedoen het in Wiskunde,
 - 3 jaar ervaring
 - of jy moet 'n aanleg toets slaag
 - of 'n onderhoud slaag.
- Dis wat so wonderlik is in wat ons lees van die tipe mense wat Jesus roep:
 - Petrus, Andreas, Jakobus en Johannes.
- Om te verstaan wat hier so verrassend is,

- moet jy verstaan hoe die Joodse skoolsisteem gewerk het.
- Op omtrent 5 jaar moes jy leer lees en die Hebreeuse Bybel begin memoriseer.
 - Jy kan dink dis dalk bietjie rof
 - maar jy was dan gelukkig teen ouderdom 13 klaar met skool. Einde gr 7 –klaar!
- Dan het net die skerpste messe in die laai aangegaan om meer oor God te leer.
 - En hulle het later die voorreg gehad om 'n Rabbi se volgeling te word.
- Die gewone kinders het vakleerlinge geword van wat hulle ouers ook al gedoen het.
 - As jou pa 'n timmerman was, het jy saam hom gewerk en hy moes jou oplei daarvoor.
 - As jou pa 'n visserman was, het jy dit geword want dis al plek waar jy verder iets kon leer om jou brood te verdien.
- Raai in watter groep het Petrus, Andreas, Jakobus en Johannes geval....?
 - Die gewone kinders wat maar moes gaan leer van visvang!
 - Ouens wat nooit 'n kans sou kry om vêrder oor God te leer nie.
 - En hier kom Jesus een oggend verby en nooi hulle om Hom te volg en sy vakleerlinge te word.

- Sien... dis nie dat Jesus wel na onverwagte plekke is
 - maar tog die beste kandidate gaan soek het nie.
 - Jesus soek ook onverwagte kandidate.

- Dalk is die dinge wat jou laat huiwer om Jesus regtig te volg nie soseer jou agtergrond nie... maar jousef.
 - Jy ken dalk nie een Bybelvers uit jou kop uit nie
 - As jy in die Bybel moet blaai na die boek Eksodus toe dan moet jy eers daar voor in die Bybel gaan kyk waar hy inpas op die lysie.
 - Jy weet dalk jy gaan nie weet wat om te maak as iemand jou kom vra
 - oor die grootdoop
 - of as 'n ateïs jou 'corner' oor evolusie nie.
 - Of iemand vra dat jy vir hulle bid nie.
 - Jy voel dalk dat die laaste persoon wie Jesus vir sy span sal kies... is jy.

- Maar die punt wat hier gemaak word is juis
 - dat die kans klein is dat hierdie dinge teen jou gaan tel om 'n volgeling van Jesus te mag wees.

- Net daarin op sigself sien ons iets van die genade van God...
 - wat omgee om lig in die duister gespartel van jou lewe te wees
 - en jou te leer oor die lewe soos Hy dit bedoel het...

- En dis waaroor ons volgende moet praat...
 - hoe werk hierdie opleiding tussen jou en Jesus in Vanderbijl?

Hoe werk dissipel-wees nou eintlik?

- Wel, eintlik makliker as wat jy dink.
 - Daar is twee dele
 - praktyk
 - ...en dan teorie.
 - Ek wat luister... én lewe
- Ons sien hier direk nadat Jesus hierdie mense geroep het,
 - loop hulle saam met Hom deur die hele Galilea
 - en Hy spandeer Homself as Koning van die Heelal op 'n manier wat die mense help.
 - Sy nuwe 'appies' staan reg agter Hom en neem alles in,
 - selfs al lees ons dat hulle daar nog nie eens 'n vinger gelig het nie.
 - En dis vir Jesus geen probleem nie.
- Dalk is die eerste praktiese ding van Jesus volg, net dit...
 - om net eers te sorg dat jy op plekke is waar Hy aan die werk is.
 - Waar jy kan kyk en inneem om 'n idee te begin kry waaroor dit alles gaan.
- In vandag se terme beteken dit om te gaan waar sy liggaam, ander aktiewe 'appies', gaan

- en dop te hou wat Jesus deur hulle doen.
 - Dit kan spesifieke dinge wees soos
 - om saam die CIA ouens volgende keer te gaan op 'n uitreik,
 - Of te gaan kyk wat gebeur met die broodjieprojek by die skole
 - Dis goeters wat ons doen en jy kan maar net saamkom en kyk.
 - Of
 - dit kan 'n vriend/vriendin wees wat jy weet Jesus volg en dat jy sorg om meer tyd saam met hulle te spandeer.
- Die opleiding begin baie makliker as wat jy dink
 - Jesus sê net eers: “Kom hier... kom saam met my”!
 - Hoor jy hom vanoggend?
 - Maar daar kom 'n tyd wat jy moet begin dink!
 - Ons sien hier hoe die mense op Jesus se werk reageer en begin saamdrom.
 - Dis dan wat Jesus na sy volgelinge toe draai
 - om in teorie te verduidelik wat hulle in die praktyk raakgeloop het [5:1-12 ev.]:
 - Al daardie mense wat geweet het net God kan hulle help,
 - wat hartseer was in hulle seer,
 - wat sagmoedig ander se swaar gesien het en hulle aangedra het na Jesus van ver af,
 - wat gesmag het na hulp...

- hulle het die seën van Jesus se bediening ontvang
 - hulle is die gelukkige mense in die lewe
- En so wys en verduidelik Jesus vir hulle
 - Wat eintlik gebeur het toe hulle saam hom geloop het
 - En hoe die lewe werklik werk.
 - Doen dinge en dink dinge.
- Dissipel-wees is nie om die regte of meer feite oor God in jou kop te hê nie.
 - Dalk het jy genoeg feite
 - maar die feite gaan verrassend lewendig word
 - as jy jousef ook blootstel aan die situasies waarin daardie woorde lewe.
 - Dis waar Jesus vir jou meer as net woorde gaan word...
 - en waar jy gaan leer om Hom tree vir tree in Vanderbijlpark te volg.
- As jy nie 'n Christen is nie,
 - hoop ek jy het raakgesien dat Petrus, Andreas, Jakobus en Johannes ook nie Christene was toe Jesus hulle nooi vir dissipelskap nie.
 - Dalk sê jy nee vir baie van die woorde-deel van Christenskap,
 - maar dalk is dit blootstelling aan die 'doen' van regte volgelinge van Jesus
 - wat jou sal oortuig dat daar iets in die woorde sit...

- en daarom ook krag is in die goeie nuus van Jesus wat deur sy dood en opstanding ook 'n lig in jou gespartel met donkerte van die lewe wil wees.
 - Jesus wat onwaarskynlike mense in onwaarskynlike plekke opsoek...
 - waarskynlik jouself ook.
- As jy 'n Christen is hoop ek jy hoor daar is iets soos aktiewe dissipel-wees.
 - Dalk sit jy op die oomblik vas in een of ander seer of probleem waar jy God net nie meer sien nie.
 - Dalk is die sleutel om deur dit te groei,
 - om weer met die doen én die dink-dinge te werk.
 - As jy ophou doen het en net dit probeer uitdink...
 - begin dalk weer doen.
 - As jy ophou dink het en net klomp goed doen...
 - gaan sit dalk eers en luister weer nederig na Jesus.
- 'n Dissippel luister éN lewe
- Orals in die proses van dissipelskap sien ons
 - die Genade van God wat sy Seun gestuur het
 - om onwaarskynlike mense te leer lewe,
 - en lewe te gee deur sy offer aan die kruis.
 - God is verstommend goed dat Hy ons so kom help!

Slot

- Die omkeer waarmee Trinitas gaan werk is nie 'n driepunt strategie van die kerkraad nie
 - Dis jǒú omkeer en mý omkeer
- Dis om almal as dissipels na die lewende Jesus te luister en agter hom aan te lewe...
 - ...en so weer te begin lewe.
- En dis vir enigiemand van enige plek... en dit laat God skitter!
- Welkom by die nuwe Trinitas!

Amen

Griffel van Wyk
Trinitas
19 Oktober 2014